



Adresa: **Ul. H. Čemerlića 39A**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-699-10/18**
Datum: **30.09.2021. godine**

«Agencija za vodno područje rijeke Save» Sarajevo rješavajući po zahtjevu pravnog lica „Global Ispat Koksna Industrija“ d.o.o. Lukavac za izmjenu rješenja broj: UP-I/25-3-40-699-6/18 od 24.06.2019. godine u smislu promjene rokova, na osnovu člana 262. Zakona o upravnom postupku («Službene novine Federacije BiH», broj 2/98 i 48/99), **donosi**

R J E Š E N J E o izmjeni i dopuni vodne dozvole

1. Mijenja se rješenje izdato od strane ove Agencije broj: UP-I/25-3-40-699-6/18 od 24.06.2019. godine u smislu promjene rokova u tačkama 3.2., 3.3., 3.5. i 3.7. vodne dozvole te iste glase:
tačka 3.2. Da se do 30.11.2021 godine kompletira tehnička dokumentacija na nivou Glavnog/Izvedbenog rješenja prikupljanja, odvodnje i tretmana otpadnih voda sa uporednim analizama tehničke i ekonomske opravdanosti.
tačka 3.3. Na osnovu ranije navedenih projekata i podloga, izraditi tehnički elaborat o ispuštanju otpadnih voda do 30.11.2021 godine.
tačka 3.5. Realizaciju radova izvršiti prema projektnoj dokumentaciji iz tačke 3.2., a koja se odnosi na sistem za prikupljanje tehnoloških otpadnih voda iz filterskog postrojenja „Modrac“, prečišćavanje istih i ispuštanje prečišćenih voda u definisani recipijent sa početkom izvođenja radova 30.11.2021. i konačnim završetkom radova 30.11.2022. godine a u skladu sa rokovima iz dinamičkog plana.
tačka 3.7. Nakon izvedenih radova izraditi Projekat izvedenog stanja sistema prikupljanja, tretmana i ispuštanja otpadnih voda sa lokaliteta filterskog postrojenja „Modrac“ u predviđenom roku od 30.11.2022. do 15.02.2023. godine.
2. Uvjet i rokovi propisani ovom vodnom dozvolom navedeni u tački 3. ovog rješenja se u skladu sa odredbama Zakona o vodama i Uredbe o izmjeni i dopuni uredbe o uslovima ispuštanja otpadnih voda u okoliš i sisteme javne kanalizacije ne mogu naknadno mijenjati.
3. Ostale odredbe Rješenja broj: UP-I/25-3-40-699-6/18 od 24.06.2019. godine ostaju nepromijenjene.

O b r a z l o ž e n j e

Pravno lice „Global Ispat Koksna Industrija“ d.o.o. Lukavac, obratilo se ovoj Agenciji sa zahtjevom broj: 417-07-05/21 od 05.07.2021 godine, u kome je traženo produženje rokova za izvršenje obaveza propisanih tačkama 3.2., 3.3., 3.5. i 3.7. Rješenja o vodnoj dozvoli broj: UP-I/25-3-40-699-6/18 od 24.06.2019. godine izdate od strane ove Agencije, a navedeni su i razlozi koji su uticali na kašnjenje u realizaciji mjera iz dinamičkog plana a to su da se moralo pristupiti izradi projektne dokumentacije a prema novom projektnom zadatku i pandemije COVID-a 19.

U prilogu zahtjeva dostavljena je slijedeća dokumentacija:

- Narudžbenica za izradu idejnog projekta i glavnog projekta, broj narudžbenice 780/04//TJ od 24.04.2020 godine prema „TQM“ d.o.o. Lukavac,
- Zapisnik o inspekcijskom nalazu broj: UP1-14-21-2-00015/2021-1406-P-1406-P-1406-3-P od 19.05.2021 godine sačinjen od strane Federalnog vodnog inspektora,

- Idejni projekat sakupljanja, tretmana i ispuštanja tehnoloških otpadnih voda iz filter stanice GIKIL-a, urađen od strane „TQM“ d.o.o. Lukavac, avgust 2021 godine (CD).

U vezi sa navedenim traženo je od podnosioca zahtjeva da dostavi činjenice o završenim aktivnostima te je dana 24.09.2021 godine dostavljena dokumentacija koja potvrđuje o djelimično izvršenim aktivnostima u proteklom periodu od izdavanja Rješenja.

Uvidom u dostavljeni zahtjev i priloženu dokumentaciju, ovaj organ našao je da je zahtjev podnosioca osnovan.

Uvažavajući obrazloženje podnosioca zahtjeva uz dostavljenu dokumentaciju i uvida u činjenično stanje koje neće dovesti do bilo kakvih promjena na terenu, zahtjevu za traženu izmjenu se može udovoljiti, te je ova Agencija odlučila kao u dispozitivu ovog Rješenja.

U skladu s odredbama člana 262. stav 3. Zakona o upravnom postupku («Službene novine Federacije BiH», broj 2/98 i 48/99), ovo rješenje djeluje samo za ubuduće.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15.00 KM administrativne takse, prema tarifnom broju 3. Tarife federalnih administrativnih taksi.

Obradivač akta:

Ahmedić Behija, dipl.inž.tehn.

Po ovlaštenju
Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- „Global Ispat Koksna Industrija“ d.o.o. Lukavac, Željeznička br.1, Lukavac
- AVP Sava, ISV-vodna knjiga
- sektor 40 – arhiva
- Oglasna ploča